

欽定大清會典事例

卷

五百八十六至  
五百八十九

兵部

土司

欽定大清會典事例卷五百八十六

兵部

土司

土司授職一

土司授職。○甘肅莊浪廳所屬武威番千戶一人。乾隆元年。以沙喇卜為千戶。管黑番三族。現有番民二百六十一戶。納倉斗糧三十二石。古浪番千戶一人。管卜他。於雍正元年投誠。乾隆二年授土千戶。管番民二族。現有番民三百一十五戶。納倉斗糧四十八石。平番番千戶一人。王化民。於雍正元年投誠。乾隆二年授土千戶。

管番民十有五族。現有番民一千一百五十九戶。納倉斗糧一百九十石九斗四升六合。○河州所屬韓家集指揮使一人韓千貫。入

國朝為外委土司。乾隆六年千貫子韓世奉

旨仍襲指揮使原職。管珍珠打刺二族番民。現有五百

七十九戶。納循化廳倉斗糧二十七石。河州糧

五石八斗。河州衛指揮同知一人何永吉。於順

治二年投誠。十年授原職。管番民四十八戶。納

倉斗糧六十石。銀六十六兩。撒拉爾土千戶一

人。

國初為外委土官。雍正七年始授韓兩為土千戶。  
管撒拉爾上六工回番。又土千戶一人。

國初為外委土官。雍正七年始授韓大用為土千  
戶。管撒拉爾下六工回番。凡藏土百戶一人王  
國柱。順治二年投誠。九年授原職。管凡藏五族  
番民。現有三百餘戶。納倉斗糧二十三石有奇。  
○狄道州所屬臨洮衛指揮使一人。順治二年  
投誠。十六年奉

旨准襲指揮使原職。康熙三十一年始給趙煜

敕書號紙。管番民三族。現有二百三十戶。管土民十六

莊現有八十三戶。○平番縣所屬。連城指揮使一人。

國初指揮魯宏率衆投誠。授原職。管土民十堡。番民八族。不納糧。亦不支餉。古城指揮使一人。順治元年。魯大誥投誠。隨征有功。康熙十八年。授指揮同知世職。十九年。加指揮使。不管土民。率舍餘親丁效力。納倉斗糧五石八斗五升五合。草五十八束有奇。銀二分五釐二毫九絲。大營灣指揮使一人。順治二年。指揮使魯之鼎投誠。隨征有功。九年。授原職。不管土民。率舍餘親丁

效力。納倉斗糧二石一斗有奇。草二十一束有奇。銀二毫六絲。西大通硤口指揮同知一人。順治二年。指揮同知魯培作投誠。隨征有功。九年授原職。不管土民。率舍餘親丁效力。不納糧。紅山堡指揮僉事一人。順治二年。指揮僉事魯典投誠。授原職。管轄紅山堡地方番民。不納糧。不支餉。古城渠千戶一人。順治二年。千戶魯大謨投誠。隨征陣亡。子魯景成於康熙十六年准襲原職。不管土民。率舍餘親丁效力。不納糧。馬軍堡土副千戶一人。順治五年。副千戶魯三奇投

誠。八年授原職。率舍餘親丁效力。不管土民。不納糧。西五渠土百戶一人。順治二年百戶楊茂才投誠。九年授原職。率舍餘親丁效力。不管土民。不納糧。西六渠土副百戶一人。順治二年百戶何進功投誠。隨征陣亡。子何起麟於康熙十六年准襲原職。率舍餘親丁效力。不管土民。不納糧。○永昌縣所屬西山流水溝寺土千戶一人。乾隆元年。授番目地家太為土千戶。管理番民五族。○岷州所屬宕昌土百戶一人。順治元年。百戶馬國棟率衆投誠。授原職。管番民五十

五族現有九百三十三戶。納倉斗糧二十四石三斗有奇。麻竜里土百戶一人。

國初百戶趙應臣投誠。為外委土官。康熙二十一年。授其子趙之鼎原職。管番民三族。現有五十戶。土民八莊。現有二百二十九戶。納倉斗糧七斗六升有奇。攢都溝土百戶一人。

國初為外委百戶。乾隆九年。后發葵始實授土百戶。管土民四十一莊。現有四百四十戶。納倉斗糧一石三升有奇。林口堡土百戶一人。后希魁於順治十二年授外委百戶。其孫后營昌。於乾

隆七年實授土百戶。管土民十一莊。現有一百四十八戶。納倉斗糧一斗五升有奇。○洮州廳所屬卓泥指揮僉事一人。順治十八年。指揮僉事楊朝樑投誠。為外委土司。隨征有功。康熙十四年。授拜他喇布勒哈番。四十五年。仍襲指揮僉事原職。管卓泥等四十八起番民。共五百一十二族。現有一萬一千五百九十九戶。納屯稅糧青稞一十一石八斗有奇。由該土司協催。資卜指揮僉事一人。

國初。晉承福投誠。授原職。管番民五十九族。現有

三百八十四戶。納倉斗糧青稞三石一斗有奇。由該土司協催。著遜副千戶一人。楊子新。於康熙二十九年授原職銜。其孫楊紹先。於乾隆六年實授原職。管番民十二族。現有五十八戶。納青稞一石九斗有奇。由該土司協催。○西甯縣所屬寄彥才溝指揮使一人。順治二年指揮使祁廷諫投誠。五年授原職。管番民八族。現有七百戶。不納糧。不支餉。支俸銀七十餘兩。北川指揮使一人。順治二年。指揮使陳師文投誠。八年授原職。管土民一百四十七戶。納倉斗糧十一

石四斗有奇。支俸銀七十餘兩。南川指揮使一人。

國初指揮僉事納元按投誠。順治十二年授原職。雍正八年。指揮僉事納正乾有功。加二等。升授指揮使。管土舍二十戶。土民八十戶。納倉斗糧三石二斗有奇。無俸餉。起塔鎮指揮同知一人。國初指揮同知李珍品投誠。順治十年授原職。管番民四十八族。現有九百六十三戶。納倉斗糧三百七十石有奇。草一百五十束有奇。西川指揮僉事一人。

國初指揮僉事汪陞龍投誠。授外委土司。康熙四十二年實授原職。管番民十八戶。土民一百二十餘戶。不納糧。無俸餉。卽迭溝指揮僉事一人。國初指揮僉事吉天錫投誠。順治十二年授原職。管土民五十戶。納倉斗糧二十一石二斗有奇。草二十一束有奇。無俸餉。○碾伯縣所屬上川口指揮同知一人。順治二年。指揮同知李天俞投誠。五年授原職。管土舍五百餘戶。土民二千餘戶。納倉斗糧一千三百石有奇。支俸銀五十餘兩。無餉。又九家巷百戶一人。順治十二年授

李化鰲為土百戶。屬川口土司。分管土民一百二十二戶。納倉斗糧二十三石三升有奇。無俸餉。勝番溝指揮同知一人。

國初指揮同知祁國屏投誠。順治九年授原職。管土民七百餘戶。納倉斗糧一百二十石。草一百五十束。支俸銀五十餘兩。無餉。趙家灣指揮同知一人。

國初趙瑜投誠。授原職。管土舍一百四十七戶。納屯糧三十一石二斗有奇。草三百二十一束有奇。番糧九石六斗有奇。支俸銀五十餘兩。無餉。

老鴉堡指揮同知一人。順治二年。阿世慈投誠授指揮同知原職。納屯糧四石五斗有奇。無俸餉。米喇溝指揮僉事一人。

國初指揮僉事治鼎投誠。康熙十四年授原職。管土民六百餘戶。納屯糧四十八石。屯草二百五十束。無俸餉。三川朱家堡指揮僉事一人。朱廷璋。於康熙十四年授外委土司。四十一年授指揮僉事。管土民六十二戶。納倉斗糧三十石五斗有奇。無俸餉。美都溝指揮僉事一人。順治二年投誠。康熙三十七年授甘廷建指揮僉事。原

職管土民三百戶。納屯糧五石九斗有奇。草二十八束有奇。支俸銀四十餘兩。無餉。三川王家堡土百戶一人辛偉鼎。於順治十三年投誠。授外委百戶。乾隆十一年。部給號紙襲試百戶。管土民一百餘戶。納倉斗糧二十八石四斗有奇。無俸餉。○大通縣所屬大通川土千戶一人。乾隆元年。授番目曹通溫布為土千戶。管番民六族。共四百八十戶。納馬二十四匹。每匹折徵銀八兩。○四川馬邊廳所屬泥溪長官司王久大。於康熙二十一年題准授職。頒給印信號紙。原

管土民歸屏山縣轄。其地畝錢糧係屏山縣徵收外。每三年認納貢馬一匹。折徵銀八兩。平夷長官司王舉能於康熙二十一年歸誠授職。頒給印信號紙。原管土民歸屏山縣轄。其地畝錢糧係屏山縣徵收外。每三年認納貢馬一匹。折徵銀八兩。蠻彝長官司文壽祚於康熙二十一年歸誠授職。頒給印信號紙。原管土民歸屏山縣轄。其地畝錢糧係屏山縣徵收外。每三年認納貢馬一匹。折徵銀八兩。沐川長官司悅澤長於康熙三十四年歸誠授職。頒給印信號紙。原

管土民歸屏山縣轄。其地畝錢糧。係屏山縣徵收外。每三年認納貢馬一匹。折徵銀八兩。涼山明州樂土百戶路遮。於康熙四十三年歸誠授職。頒給號紙。轄部夷二百戶。並無認納稅銀糧馬。油石洞完希土百戶咀姑。於康熙四十二年歸誠授職。四十四年承領號紙。涼山旁阿孤土百戶駱束。於康熙四十三年歸誠授職。頒給號紙。轄部夷一百戶。並無認納稅銀糧馬。大羊腸。嚕喀土百戶納味。於康熙四十三年歸誠授職。頒給號紙。轄部夷二百戶。並無認納稅銀糧馬。